

VENDIM
Nr.15, datë 11.1.2012

PËR DISA NDRYSHIME NË VENDIMIN NR.140, DATË 17.2.2010 TË KËSHILLIT TË
MINISTRAVE “PËR FINANCIMIN E SHËRBIMEVE SHËNDETËSORE SPITALORE
NGA SKEMA E DETYRUESHME E SIGURIMEVE TË KUJDESIT SHËNDETËSOR”,
TË NDRYSHUAR

Në mbështetje të nenit 100 të Kushtetutës, të neneve 4, pika 2, shkronja “c” e 26 të ligjit nr.7870, datë 13.10.1994 “Për sigurimet shëndetësore në Republikën e Shqipërisë”, të ndryshuar, të nenit 26 të ligjit nr.9106, datë 17.7.2003 “Për shërbimin spitalor në Republikën e Shqipërisë” dhe të nenit 5 të ligjit nr.10 487, datë 5.12.2011 “Për buxhetin e vitit 2012”, me propozimin e Ministrit të Shëndetësisë, Këshilli i Ministrave

VENDOSI:

Në vendimin e Këshillit të Ministrave nr.140, datë 17.2.2010, të ndryshuar, të bëhen ndryshimet e mëposhtme:

1. Fjalja e parë e pikës 5 ndryshohet, si më poshtë vijon:
“Buxheti për shërbimet spitalore, për vitin 2012, jepet me hollësi, sipas shtojcës 2, që i bashkëlidhet këtij vendimi.”.
2. Pika 17 ndryshohet dhe riformulohet, si më poshtë vijon:
“17. Spitalet janë të detyruara të llogarisin shpenzimet faktike të çdo shërbimi, në përputhje me standardet e caktuara nga Ministria e Shëndetësisë. Shpenzimet mujore dhe progresive raportohen nga spitalet në ISKSH, e cila bën monitorimin e tyre.”.
3. Pika 20 ndryshohet dhe riformulohet, si më poshtë vijon:
“20. Numri i përgjithshëm i punonjësve të spitaleve, për vitin 2012, jepet me hollësi, sipas shtojcës 2, që i bashkëlidhet këtij vendimi.”.
4. Ngarkohen Ministria e Shëndetësisë, Ministria e Financave dhe Instituti i Sigurimeve të Kujdesit Shëndetësor për zbatimin e këtij vendimi.

Ky vendim hyn në fuqi menjëherë, botohet në Fletoren Zyrtare dhe i shtrin efektet financiare nga data 1 janar 2012.

KRYEMINISTRI
Sali Berisha